



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service
JIRIBAM / HMARKHAWLIEN
C/o Babita
9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/177

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

Rs.10 thir that a la ni nawh; A la nuom lo an um chun an kuoma report dingin CCC in an inhrietir



CCPUR: Tulai hin Churachandpur dawrkai thenkhatin Rs.10 thir (coin) hi a thi tah tiin an lak nuom ngai nawh a. Hi thua hin State Bank of India (SBI) le United Bank of India (UBI) hotu hai thu indawn an nih a. RBI-in Rs.10 thir hi a la that hrim hrim naw a, a hring zing a nih a, hmang thei zing a nih, tiin an hrii. Bank hai chun Rs.10 thir hi a thinaw leiin dawrhai khawma laka hmang seng dingin an inhrietir baw. Thu vuongva mei mei ring ngai lo ding le, pawisa thua chu bank haia chanchin indik hriet hmasak tum hlak dingin abikin dawrkai le mipuihai kuomah ngenna an siem baw.

Hi chungthua hin Churachandpur Consumers' Club (CC) khawmin zanikhan Press Communique an insuo a. Chu taka chun, pawisa thir siemtu Reserve Bank of India (RBI) inbiokpawppui an ni a, RBI Press Release 2016-2017/1257 dated Nov. 20, 2016 dungzuiin Rs. 10/- thir mipui hmang dinga thedar-a um hai chu a lem ngai nawh a. Hi thua hin State Bank of India (SBI) le United Bank of India (UBI) hotu hai thu indawn an nih a. RBI-in Rs.10 thir hi a la that hrim hrim naw a, a hring zing a nih a, hmang thei zing a nih, tiin an hrii. Bank hai chun Rs.10 thir hi a thinaw leiin dawrhai khawma laka hmang seng dingin an inhrietir baw. Thu vuongva mei mei ring ngai lo ding le, pawisa thua chu bank haia chanchin indik hriet hmasak tum hlak dingin abikin dawrkai le mipuihai kuomah ngenna an siem baw.

HI Executive meeting nei

CCPUR: April 11, 2017 khan Hmar Secretariat, HSA Campus, Rengkhai, CCPur hmuna Hmar Inpui (HI) GHQ Executive Meeting nei a nih. Hi huna hin Hmar Inpui hnuoia affiliated Organisation/

Pawl tum tuma thuoiu hai an thang. Meeting huna hin Hmar Inpui Special Assembly ko dan ding chungthu le Hnam issue pawimaw tak tak hai hriitlang le inrawntlangna nei a nih.

CHANCHIN LAKTAWI

Naupang 37,808 Polio damdawi pek

CCPUR: National Immunization Day (NID)/ Intensified Pulse Polio Immunization (IPPI) Second Round April 2, 2017 nia Booth Day le a hnunga follow-up programe a House to house visit April 4, 2017 chena neina report chu DFOW, CCPur kuomah a tlungkim vawng ta a, report hmuu um dungzua second Round-a nau-pang kum 5 le a hnuoiteng Zenghri vengna damdawi (Polio) indawntir zat chu mi 37,808 an nih.

Eye Specialist pan thei

CCPUR: Mit tiengpanga harsatna nei, Dr K. Romen Singh (Eye Specialist), DNB (Ophth), MNAMS Fellow in Retina and Vitreous Surgeries pan nuom hai ta dingin April 13, 2017, 10AM khin SIELMAT Christian Hospital-ah pan thei ning a thi.

GAS NEWS

Agency : KIM JOE
Booking : 5th. Jan., 2017 to 5th. FEB., 2017
Delivery: 12-04-2017 (WED)
Time : 8AM-till stock
Stock: 178
first come first serve
19kg. available

Agency : SAS
Booking : 7th. JAN., 2017 to 7th. FEB., 2017
Delivery: 12-04-2017 (WED)
Time : 8AM-till stock
STOCK : 306
Rate: Rs. 884

VANGSEI INDAINE K. Saltung
Booking : 12-03-2017 to 20-03-2017
Delivery: 12-04-2017 (WED)
Time : 8AM-till stock
STOCK : 306

Ukhrul District ta dingin Economic package Rs. 201 crore pek dingin CM in a puong; Kum tin state level in Siroy Lily Tourism Festival hmang a nita ding

IMPHAL: Tangkhul Community hnuoihawtnain zanikhan Thangkul Naga Long (TNL) Ground, Ukhrul-ah N. Biren Singh in Manipur Chief Minister sin a chel lawmpuina inkhawm ropui tak le phur taka nei a nih, Hi huna hin Cabinet Ministers 8, Th. Biswajit Singh, Letpao Haokip, L. Dinkho, Karam Shyam, Nemcha Kipgen, Th. Shyamkumar Singh, Th. Radheshyam Singh, V. Hangkhanlian, Parliamentary Secretaries 10, L. Sujindro, S. Subhaschandra, N. Indrajit, K. Robindro, H. Dingo, Ashab Uddin, Khahim Vashum, K. Leishiyu, Dr. Sapam Ranjan, Satyabrata, L. Radhakishore, Chairman, Manipur Pollution Control Board, Vungzagin Valte, Chairman, MTDC, T.T. Haokip, M.L.A., Dr. Yalaso, Chairman, ADC, Ukhrul, O. Nabakishore Singh, Chief Secretary, L.M. Khaute, DGP le Offi-



cers tam tak an thang taw. CM N. Biren Singh in mipui pungkawm hai hmaa thuhriina a neina a chun, Ukhrul District ta dingin Economic package Rs. 201 crore pek ning a tih tiin a puong. Chun, Ukhrul District Headquarters a Women's Market bawlna dingin Rs. 10 crore hmang dinga riruong a ni thu CM chun a hrii. CM N. Biren Singh in a hrii peina chun, tukuma inthawk kum tin Siroy Lily Tourism Festival in 5 sung Siroy village le TNL Ground-ah hmang



ni ta hlak a ta, tukum hin May 5 a inthawk Siroy Lily Tourism Festival hi hmang tan ning a tih. Tuta inthawk ni 15 sungin Ukhrul town sungah Mast lighting system inbuk belsa ning a ta, Ukhrul District Headquarters Road chu an hma thei anga blackout thaw ning a ta, Sirarak-hong village a mimkei leia harsatna tuorhai chu Rs. 1.01 lakh pek ning an ta, ka sawrkarin tlangram biek sukhamasawna uor zuol a ta, tlangram biela cheng (Hill Areas) Civil Society

Organisation (CSO) a pawl hran hran palaihai le khaw khat Lal (village Chiefs) han thlatin tarik 10 zatin min hmupui thei an tih tiin a hrii. Tlangram biela sawrkar thawktuhai chu an posting-na hmun sengah regular taka um dingin CM chun a ngen a. Hi ngenna zuilo hai chungah action lak ning a tih tiin CM N. Biren Singh chun a hrii.

Hi zo hin CM N. Biren Singh chun Mini-Secretariat Complex, Ukhrul-ah District Transport Office (DTO), Ukhrul a Driving License le motor lekha registration thaw huna smart card pekna ding (Vahan Sarathi Software) a hawng. Hi zo hin CM, Cabinet Ministers, Parliamentary Secretaries le Chairman han Mini-Secretariat, Ukhrul-ah hin DLO-hai leh meeting an nei a, development project thaw mek hai le hmalak pei dan ding an hriitlang.

khong le Hamleikhong khuo haihan an lo hmuok taw. Thil ngen chitum tum neiin memorandum an lo pek seng. Ukhrul a tlung hmam CM chun Nungshangkhang Hungpung an ti hmuna Tourist Resort a hawng malam. Hi lai hmun hi Ukhrul town a inthawka 15 kms a hla a nih.

Ukhrul town a mipui inkhawm um ta hlak hai po po lai zanita CM lawmma inkhawma mipui thang hi an la tam taka hrii a nih. Mipui hi 10,000 an chuon ring a nih. CM hlui O. Ibobi Singh le a Minister-hai nikuma Ukhrul a an van zin t um khan "Welcome to South Nagaland" ti banner/poster an lo tar khum a, CM N. Biren Singh le a hmungzuituhai ruok chu "Welcome Chief Minister of Manipur, Nongthombam Biren Singh" ti banner/poster an lo tar khum ve thung tah.

District Police han hmun an inthiefai

CCPUR: Churachandpur District Police chun Drive Against Drugs, Alcohol, Gambling, Waste, etc. ti thupui hmanga hun iemanichen liemtaa inthawk Drive an thaw tan chu an sunzawm pei a, zani zingkar 7:00AM khan New Bazar-a Bus parking area-a hmunhnawk hai inthiefaina sin an thaw. Hmun an inthiefai el chau ni lovin Bus parking hai khawm mumal lema inngat tir. Bus Parking lai an sukfai zo hin Thangzam Road zai le New Bazar baka Hollywood street sung hai inthiefaina sin an thaw nawk.



Hienganga Police team in hmunhnawk inthiefaina sin an thaw chu mi tam takin an inpak hle a, nupui pakhat chun, kum 50 CC-Pur-ah a cheng ta a, hienganga Police team in hmun an inthiefai la hmu ngaiwan thu le ropui a tih thu a hrii. Drive nei huna hin AG

Sharma, SDPO, Churachandpur, Lunghomang Khongsai, Addl. SP (Law) le Augustine Khongsai, SDPO Thanlon baka P. Neihsiat, OC in-charge Traffic han an inrawi a, Civil Police, Women Po-

TNL in CM kuomah Memorandum an pek

IMPHAL: Zanikhan Tangkhul Naga Long (TNL) Ukhrul Headquarters chun CM N. Biren Singh kuomah Memorandum an pek a, an Memorandum a chun, NSCN (IM) le India sawrkar han Framework Agreement an ziek suk-puiting a hung ni vat theina

dinga theitawp sua thlawp ding; District thar siema um hai hnukkir nawk vawng dinga ngenna le National Highway (Naga areas) hai State Cabinet in National Highway Protection Force sie dinga a rel chu ennawn le lakkir dinga a ngenna thu hai an zieklang.

Khuga Battalion in Rul chuk an sanhim

CCPUR: April 8, 2017, zan dar 7:00PM vel khan H. Lalngazuala (55) of Thingkangphai chu rulin a chuk leiin inrang talin hospital panpai a ni a, sienkhawm hospital in Rul tur thalna damdawi an lo neinau leiin 6th Sikh Light Infantry (Khuga Battalion) hai inhrietir an ni hnungin Khuga Battalion chun an damdawi hmanga enkawlin

a hringna an sanhim. Army hai hin tuta hma khawmin Rul chuk mi iemanizat hringna an lo sanhim ta a. District Hospital in Rul tur thalna damdawi an neinau chu Khuga Battalion hin an ngaimaw leiin District Hospital hmang dingin Vial 9 zet pein a hmang dan ding khawm an hriihriet niin ei thu dawngna chun a hrii.

KIC Election nei

CCPUR: Zanikhan Kuki Inpui Churachandpur (KIC) chun Tuibong-a an Office-ah kum 2017-19 sunga KIC thuoiu ding thlangna election an nei. Hi huna hin President dingin Daniel Gangte thlangting a ni a, Vice Pres-

ident (Administration) dingin Letput Haokip, Vice President (home) dingin Thangboi Baite; General Secretary dingin Lalkhoahao Chongloi le Information Secretary dingin Jampao Haokip hai thlangting an nih.

Petrol thanaw leia motor sie tam

CCPUR: Kha hma meta economic blockade leia thautui väng leia thautu tha lo black-a zawr tam leiin motor-in an siet pha nasa em em a. Motor workshop motor siem dinga fe tamtak chu petrol le diesel tha naw leia motor sie an nih tiin motor workshop thawtu tamtak

chun an hrii. Tuhiin blockade an hawng taa chu black-a petrol le diesel zawr an la um zinga, motor thanaw han sin hlawkna a nia chu black money sukhuortu an nih leiin black money sukbu tum sawrkhar thar hin hma hung la sien a tha naw dim a nih, tiin ngaidan an hrii tawil baw.

HIV/AIDS thuah Annual review meeting nei

CCPUR: Manipur State AIDS Control Society (MSACS), Imphal a inthawk Aribam, Joint Director (TI), MSACS; Gautam, Coordinator, North East Technical Unit (NETSU), Roshan, State Coordinator, FHI-360 le Deepak, State Coordinator, (TI) MSACS hai chu zanikhan CCPur-ah an hung a. District Hospital-a ATC Centre enfelna an nei bakah zantieng 1:00PM khan District AIDS Control Officer (DACO) office chamber-ah HIV/AIDS le inzawma District thuneitu haileh annual Review meeting an nei. Meeting huna hin Dr



Kim Simte, CMO/Vice Chairman, District AIDS Prevention and Control, CCPur; T. Benjamin, District Supervisor, DAPCU bakah DAPCU hnuoia NGOs le partner tum tum-LRRC, SHALOM, PPO, ART Centre, District Hospital, MSF, STI Clinic, District Hospital, Link

Worker Scheme (LWS), Blood Bank, District Hospital, People Health Foundation (PHF), PPTCT, District Hospital le ICTC Saikot haia official hai an thang taw. HIV/AIDS le inzawma sin thawna hai ennawn le hmatienaga hmalak pei dan ding hai an hriitlang.

Budget session hi treasury bench hai ta dinga hratna a nih: PM

NEW DELHI: Zanikhan Prime Minister Narendra Modi inrawina in BJP Parliamentary Party meeting nei a na, chu huna PM in thu a hriina a chun, tulaia Parliament Budget session fe mek chu treasury bench hai ta dinga hratna ni a hrii. State tum tuma Assembly election neina haiah hratna an chang a, Budget session huna Parliament in bill pawimaw tak tak a passed baw leiin sawrkhar ta dingin session fe mek chu hlawtingna niin a ngai thu PM chun a hrii a nih.

May 24, 2017 hin BJP in sawrkarna a chel kum 3 a tingna ding a ni ta thu a hrii a, BJP sawrkhar chu India mipuihai in an thlawp a, chuleiin, ram sungah inthlakdanglamna tam tak a um niin a hrii. "Tu hun hi ei ta dingin hun rangkachak a nih, chuleiin, mirethei le hnuoihunghai ta dingin hring ei tieu. Hmasawna le danglamna tam tak siemna dingin hun tha tak ei nei a nih" tiin PM chun a hrii.



hai fielna a siem. BJP Parliamentary Party meeting zova chanchinbumihai inbiokpuina a neina ah, Parliamentary Affairs Minister Ananth Ku-

mar chun Lok Sabha in bill 21 le Rajya Sabha in bill 14 a passed leiin Budget session chun siemthat tam tak a nei thu PM in a hrii thu an tluon. Chuong bills hai lai

chun GST bill le politics le inzawma pawimaw em em OBC bill hai an thang thu a hrii baw.

Prime Minister in Uttar Pradesh hmuna mi mak ti kai rak khawpa BJP in hratna a chang thu a hrii a, kum 2014 a sawrkarna siem dinga thlang lai BJP chu India mipuihai ringzo a hung hlaw pei leia hratna chu BJP in a chang niin a hrii.

Meeting an neina a chun, PM in zanikha Hanuman a pieng chamma a ni thu a hrii a. Hanuman chu Social Worker inpe-zotak, tu hun chena mi hai hne thei dinga hringun lo hmangtu a ni thu a hrii baw.

VAWISUN THUPUI

Mifel bau chu hringna tuikhur a na, mi suol bau ruok chu nunsietnain an khum. Theidana chun inkhingna a chawksuok a, hmangana ruok chun bawsietna popo an khum hmang. Hrietthiemna neitu hmurhai chun varna hmu a na, hmawl chu hrietna bova um ruongzang ta ding a nih. Mi var chun hrietna a siekhawl a, amiruokchu mi invet bau chu sietna a nih.
- Thuyarhai 10:11-14

Editorial

Taima ding ei nih

Mihriem ei hung pieng suok a, ei hung dam pei chun ei damna ding in fak le dawn ding ei nei a hung ngai a. Fak ding le dawn ding nei ding chun sin ei thaw a tul tlat a nih. Sin hi ei dumsung a thaw dinga Pathien a lo ruot tasa a nih. Khawvela um le dam theina ding chun ei taima le sin ei thaw inrim a tul hmasa phawt a nih. Nu le pa haia inthawk sum le pai, In le lo bakah ro tam tak khawm nei inla, sin ei thaw zawn pei naw chun hmangzo le fakzo hun a hung um ding a ni a. Hi lei hin awlsawng thei a ninaw a, sin chu ei dumsung a thaw dinga siemtu Pathien ruot a lo ni tlat el a nih. Khawvela hin chatuon dai thil a um naw a, bo hun chu a um tho tho hlak. Thabo ding ei ninaw a, taima taka sin thawzng ding ei nih.

Sinthaw hi Pathien a inthawka ei thaw dinga ruot, a zilna le ei ta dinga phurrik le rinum nisien-lakhawm, sinthawtu, tam tak thaw suok a, thil iengkim nei thei hai hin chu inzaumna le ropuina an hlak hlak. Thil tha ding hi hril hril inlahkawm, a taka thaw um lo chun iengkhawm hi a hlensuok ngai nawh. Hi lei hin nei ve ding chun a tak taka thaw le inrimtui a tul a nih. Inrim taka thil ei nei hrim hrim chu a hlu bik a, mei meia hmang ral ei phal ngai nawh. Hi hi mihriemhai sinthaw inrim hltuna a nih.

Tienlaia ei pi le pu, ei nu le pa hai huna khan Zohnathlakhai lai sinthaw, a bik takin kut sinthaw hi nitin khawsak le nunphung tak a ni leiin tukhawm rinum an tinaw a; hriselnawna le bawswarmna leia sinthaw tha thei lova um kha rinum le inzakum an ti em em hlak. Sinthaw tul a um laia tlangval in a um ching chu nuizat ruk le entleu an ni a, tukhawmin makpa dingin an dit ngai nawh. Hi lei hin mihriem hrisel pangngai thaw nei lova um kha an nuom ngai naw hrim hrim. Tulaia thangthar hai ruok hin chu sin thaw lova um le leng mei mei hi intitheina takin ei hmang ta a nih. Hi ngaidan hi ei bansan a tul hle a nih. Ei pi le pu hai thaw dan kha la entawn a, taima ding ei nih.

Tulai hunah chun mi han lekha an hung them ta a. Tienlai angin inrim taka kut sin thaw lo khawmin fak an hung hmu thei tah. A tlangpuina an sinthaw chu office kai, dawrkai le sumdawang a ni deu tak. Amiruokchu, hieng sinhai khawm hi miin taima taka thaw loa dawngda taka a thaw rawp chun hrem le ban a tuok el bakah a sinthawah a hlawsam hlak. Inrim le taimak hi chu a tul tho tho a nih. Taimak le inrim taka thaw naw chun fakkhawp hmuna ding hrim hrim a um nawh. Changkangna le hmasawna khawvela cheng nita inlahkawm taimak a la tulzing. Mi thabohai ta ding chun hmuna a la um chuong der nawh. A taima le inrim taka thawhai chu mihai chung en le inhnar an la nizing a, khawvel um sung chu a la ni pei ding a nih.

Ei insung, ei khawtlang, ei ram le ei hnam damna le ngr suokna dingin iem a pawimaw tak ti indawnna siem ta linla, taimakna neka hril hmasak ding um naw nih. Mani, sungkuo, ram, hnam, khawtlang le kohran ta dingin taima seng inla chu ei ram hi ram hmasawn le ram inhwai, mihai inhnar a hung ni thei ding a nih. Mihriem dam khawsookna ding chun taimak hi thil tul makmaw a nih. Taimakna thang naw chun hlawtlng le hausak thei a ni nawh.

Khawvelin hma a sawn ang pein changkangna khawm in hma a sawn pei a. Thil dit ding le mamaw ding a tam deu deu a. Mihai nei ang nei ve ei nuom a ni chun thabo ding ei ni naw a, taima ding ei nih. Thalai tam tak hi taima lo let der chu ei ni nawh. Amiruokchu, ei taimaknahai hi a chi a dang a, a thanaw zawnga taima ei nih. Zing zal sawt chu ei taima tawl ie. Amiruokchu, taimakna indik a ni naw leiin inrempui ei nei meu nawh. Nu le pa hai ngei leh khawm inremnawna a nih. Hi lei hin thalaihah thanghar ei ta, taimak insuo nawk zuol ei tiu. Ei dam khawsookna ding umsun chu taimak hi a nih.

Rain Coat le Hunting booth pakhat seng

CCPUR: Autonomous District Council (ADC), Churachandpur hnuoia Executive Officer, Town Office Ms Rothieghlim chun CEO, ADC, CCPur phalna lain hmunhawnk dehawnna sinthawtu (Sanitary Workers) mi 24 hai chu Rain Coat le Hunting Boot pakhat seng an chawkpui bakah hmunhawnk dehawnna lampui se hle leiin churachandpur hnuoia Executive Officer, Town Office Ms Rothieghlim chun CEO, ADC, CCPur phalna lain hmunhawnk dehawnna sin hi March 1, 2017 a kha a lo chel tan ta a nih. Town sunga hmunhawnkhah hi Sehken rama pei hlak a nih.

Editorial Board
Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote: Sports
Joseph Joute: Freelance
Lalruotlien Dullien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

PATHIEN THU AM? MANI DITHLANGNA LEM

-Ngurivung

“Ka tadinga thanaw ka Lalpan rel naw ni....Iengkim ka tuokhai hi Ama hrietpui ka ni”.

- Rev Lalngahksang.

A insunga le a rawngbawlnaa harsat-mangangna a tuok chang khawmin, “Ka tadinga thanaw ka Lalpan rel naw ni, ka ram inhnang naw ni, ka nun buoi ngai naw ni, Iengkim ka tuokhai hi Ama hrietpui ka ni” tiin hadam deuin Rev Lalngahksang chun hla’n an zawt tla dap dai thei chu tie! Kei ve hi! Ka beisei, ‘In tinh vote khat bek’ ti a, intin luta Tipaimukh biela Pathien hminga mipui lai vote ka hni kha, mipui mi dawng sawng dan ang hin, beisei hmu phak lova ka um kha Pathien kuomah nuorthusim inzawt ka nuom vng el chu tie! Zau nau pai leia inrai perpur hai khawma chantawka Pathien remruot tia hadam deu a an um thei chun, keikhawm ka Vote hmu tlawm hi ka tadinga tha, Pathien remruot a ni el naw ding maw? Kawngkhat angthu chun, Tirko Pawla’n “Lawm rawp ro” ati hi theinghilin, Irom Sharmilla anga politics tawp san nuom el dinga mi thenkhatin an mi ngai hi thil ni awm reng a nih. Amiruokchu, ka tadinga thanaw Lalpan rel naw nih, ka thiltuok, ka vote hmu tlawmna san hi chatuon rorelna hmaa puong lang ding khawm nilang inzakna chite khawm ka nei nawh.

“Vote khat chau I hnia, I hni tlawm taluo, kan sungkuo’n kan vote ding che a nih”, “Pathien hminga vote mi hnitui chu nang chau hi I la nih, vote ngei ngei ka ti che”, “MLA candidate kan insung a hung lut hmasakat I nih, vote ngei ngei ka ti che”, “Pathien hminga intina kaisan fiel anga vote khat bek I hung hni chu pakhat bek chun lo vote kan ti che”, “Keini nu-le-pa chun kan vote thei ta naw che, kan nauhai, thalaihaiin vote an ti che”, “Ni ngei nawnim vote kan ti che”, tihai hi mipui mi dawn dan tlangpui chu ani a. Khawtin an in 4, in 5 vel bakin vote an mipik theinaw ding thu an hril nawh. Amiruokchu Vote an hang tiem kham Polling Station 38 ah Polling Station 10- haia chun vote khat khawm ka hmu naw chu tie! Khaw pakhat Kohran Upa pahni tlawmngaia Polling Agent ding a kan fielna, agent form leh ka maksanna a khawm vote kan hmu nawh, vote kan hmu nawna san ni dinga ka ring chu agent-a an inthungna ding pawisa kan pek nawa, agent ah an inthung naw lei ani el thei. Mi hi an ngirhmun hrechng si lovin hang inthiemnaw ringawt khawm chu andik chuong nawh. Nuhmei pakhat khawm a uire lai tak an man khan Lal Isu ngei khawmin thiemnaw an chang tir chuong naw kha.

Pi Thangthatling Sinat khawm Khuo pakhat hni an pakhat hin a lo ngaina khawpel a, a thlalak banga an tar dam ngaina takin a lo fawpa, chun a thlalak khawm a zalna lukham hnuoia siein ngaina deuin a lo kham hlak a, Pi Thangthatling-in chu khuo chu a tlung chun ‘nitin a kros putin zui ka tih’ ti ang el in an khuo a chun a fenana ah phur deuin a lo zuia. Election zo vote an hang tiem kham chu, chu khuo a chun Pi Thangthatling chun keia ang thovin vote khat khawm a hmu naw chu tie!

Ei ram, Gospel Chachintha’n kum 100 nek a tam a chenchilna ram a hin ei intlang dan hi chu Gospel Chanchintha le chun an mil naw hle’n an lang a nih. MLA intlang a hung hmai a, Kristmas thiltlawnppek (Christmas Gift) ei dawng rawn tawl hle, Biekin thenkhat chun Rs 5,000/- dam in an dawng, chun mimal thenkhat chun Rs 500/- dam, Rs 1000/- dam, Rs 2000/- dam an dawng tawl a nih. 2016 a Christmas thiltlawnppek ei dawngnahai a inthawk khan 2017 ah Christmas thiltlawnppek ei dawng nawk chie ding am leh? Christmas thiltlawnppek ei pekhai

le ei dawng zo zaihai lei khan ei tadinga hung pieng Krista hin a lawm chie ding am? Indiktak a hril ding chun kumtin tina ei dawng khawm nilo MLA election tawm a ni lei chauva Christmas thiltlawnppek ei dawng hai hi THAMNA PAWISA, JUDA ISAKARIOT-IN ISU KRISTA AN MANTIRNA PAWISA ANG CHAU KHA A NI EL NAW DING MAW?

Hmarram Kohran Inzawmkhawm thuoituhaiin theitawp suoin Tipaimukh biel a inthlangna fel le thienglim a um theina dingin hma an laka chu a sungril taka vote zawr le vote inhaw chu a pangngai tho niin anlang. Agent pakhat hril ka hriet dan lem chun vote zawr lo ding tia khawlai dunga kheka thang, Kohran thuoituhaiin thenkhat khawm pawisa ei hang pek chu ‘to tawkin an lak zawt el’ a ti chu tie!

“Ar that dan chikhat chau a um nawh” an ti ang deuin vote inhaw dan hi chikhat chau a um nawh. Vote inhaw dan thenkhathai chu- Christmas Gift, damnaw kanna, thangpuina, chibaibukna le adang dang. Kohran thenkhat hlak chun hotel ei lo siema nikhath thiltlu chawin a sing tel tel ei lo lamsuok nawk hlak baw, Kohranin sum lamna tak a ei lo hmang khawm hi thamna pawisa a ni pal el dim maw! Asanchu, agent thenkhatin Kohran mipuihai ditsakna hlaw nuom leiin vavikhat bufakna-ah a sang tel tel an hang pek a. Kohranin arawng ei bawl tak Lalpa hin a ram tadinga ei pawisa sum laklut hai hi iengtin am a ngai ding? rim inhnik am, tirdakumah ami ngai pek ding. Kei ngei khawm Rs 10 dam, Rs 20 dam, Rs 50 dam, Rs 100 dam, Rs 500 dam, Rs 2000 dam ka dawng hai hi lungril inhawng taka an mi pek khawm nisien a thienglim bik chie ding am? Asanchu, hieng tlawmngaia pawisa suma mi hung thangpuitu t henkhathai hi midang election agent dam an ni tawl si! “Aw ka lalram, ka lalram ava mak ngei a silfen rawng hai chu” ti ang deuin Thamna Pawisa Rawng hai khawm hi Ringthuai tading khawmin hrietthiem an tak chu a ni hi!

Khuo thenkhat a chun HIA khawmin anina a theinghil tep ti inla a suol di’m? Amiruokchu hienglai zing hin Parvachawm le khuo iemani zata HIA chu inpak an um hle’n an lang, asanchu HIA hminga Public Meeting an huoihawt chun HIA deuin an thawa, mike haw man, thungna rem man, meeting conduct man ti iengkhawm phut an nei ve ngai nawh, HIA deuin an thaw tawp el anih. Khuo thenkhat a chun HIA’n Public meeting a ko pek chun thungna rem man, mike haw man, conduct thaw man ti vel-ah Rs 2,000 dam, Rs. 3,000 dam an phut hlak chu tie! Kohran thenkhat khawm mike (tawng inringna) haw man awmlo baksak in a rate an siem hlak chu tie! Election ni a thingpui inlum khawm khuo thenkhat a chun ei thaw tanaw a, a var zang hle, mi thenkhatin ‘vote tlaksung chau chu thingpui dawn ngai lova’ an lo ti hi a lo indik khawpel, amiruokchu khuo thenkhat a chun Rs. 2,000 dam, Rs 5,000 dam kandidat tinhai, annawleh an agent-hai a inthawkin an dawla HIA hlaw nein thingpui an in lumtir chu tie. ei ringtu kalchawi nun hi Khawtlang le Kohranah chanchint ha le immawin, mihai elvartu ni inla nuom a um tak zet.

Ei ram Christian zaah za inti na rama hin Pathien ditnawzawng suol a inthawka insiekieng thei ding le Lalpa ditzawng thiltha hrea zawma, ditthlangna indik nei thei dingin Lalpa’n Hmarauhai a thar takin mi thangpui seng raw se. Amen.

Th. Meinya in Centre-NSCN(IM) hrlif e ding in an phut

NEW DELHI: Zanikhan Lok Sabha –a chun Zero hour hunah Cognress MP Thokchom Meinya chun sawrka thlungpui le NSCN(IM) in Framework Agreeement an ziek chungthuah Prime Minister Narendra Modi chu a ni dan chiong taka hrlifena (statement)



pe ding in a phut.

Th. Meinya chun, Centre in Manipur mipui le Naga helpawl hai kuoma thu a tiem dan an ang nawh. Tulai hnaia Assembly Election a kham Modi chun Manipur mipui hai chu Manipur ram keihe a ninaw ding thu, NSCN (IM) Framework agree-

Sakhuo inlettirtua intumin Kristien pasal 3 man

BHOPAL: Madhya Pradesh-a Khandwa district a chun Kristien sakhuo zui-tu pasal 3 hai chu sakhuona inlettirtua (religious conversion) ah inrawlna neia intum leiin Police han an man a. Khandwa district court- a inlangtir an ni hnungin Court chun chawlkharhi sung Jail-a um phawt ding in an chungthu a rel. Pasal 3 mana um hai hi Madhya Pradesh-a Burhanpur le Barwani district le Maharashtra a Jalgaon district- a cheng an nitawl. Khandwa Additional SP Mahendra Tarnekar chun, Pathienin kham Piplod police station area sung Sitabedi village-ah Kristien sakhuo zui-tu pasal 3 han mi thenkhat sakhuo inlettirtua

na sin an thaw ti Dial 100 service hmangin phone call an dawng a, a hmuna fea an va enfel huna pasal 3 hai hi an man a ni thu a hril. Hi thila man pasal pathum hai chu Amar Singh, Kishore Barela le Prabhakar Barela hai an ni a, phone call an dawng dungzua Sitabedi village- a an va fe huna hin mi 40- 50 vel an lo in camp pui niin Tarnekar chun a hril. Complaintu petu Raju Barela chun, hieng mi 3, an kuta Kross chaw hai chun khawmsung mi camp-a um hai chu Isu Krista an ring chun an natna hai popo Pathienin a sukdam pek ding thu an hril a nih tiin Police kuomah a report nia hril a nih. (ENS)

Assam court in Delhi CM warrant insuo khum

GUWAHATI: Prime Minister Narendra Modi educational qualification thua twitter hmanga post a siema thua Delhi Chief Minister Arvind Kejriwal chu defamation case siem khum a na, court a inlang dinga ko a nina anga an lang naw leiin, zanikhan Naba Kumar Deka Baruah, First class Magistrate in Kejrival chu bail thei warrant (bailable warrant) an suo khum. Chu le inzawmin Kejrival chu May 8, 2017 huna court a inlang dinga ko nawk a nih. Kejrival chu December 26, 2016 khan Surjya Rongphar, Executive Member, Karbi Anglong Autonomous District Council in Magistrate court-ah Kejrival chu defamation case a siem khum a. Magistrate court chun January 30, 2017 kham court hmaa inlang ding in a ko a nih. Kejrival a Lawyer Gurpreet Singh Upal in MCD polls le mimal buoia dang dang leiin court hmaa an langna ding chu sawn pek ding in a ngen a, amiruokchu, a lawyer ngenna chu court in a pawm pek naw

a nih. Hi chungthu hi zanikhan Magistrate court-ah ngaituo nawk a na, Kejrival chu ko a ni hmasatak a inthawka tia 2 sung zet court thusuok iengmalova a ngai lei a, a Lawyer ngenna pawm a ni naw leia warrant chu insuo khum niin zanita Naba Kumar Deka Baruah, First class Magistrate in thusuok a siema a chun a hril.

NIT Manipur M.Tech Admission

IMPHAL: National Institute of Technology, Manipur, Langol, Imphal West ah Department tum tum- Civil Engineering, Computer Science, Electronics & Communication Engineering; Electrical Engineering le Mechanical Engineering inchuk nuomhai ta dingin April 10, 2017 a inthawk Online Registration thaw thei a nit ah. Online Registration le thu chieng lem http://cemt.nic.in ah hmu thei ning a tih. Online Registration le fee pek theina hun tawpna tak May 8, 2017 a nih.

Re-Exam nei a ninaw ding

IMPHAL: Higher Secondary Examination (Class XII), 2017 fe meka Physics subject exam question paper leaked lei khan exam that (re-examination) a umnaw ding thu CoHSEM Office, Babupara, Imphal hmuna Dr M. Bidyasagar, Secretary, CoHSEM , Manipur in April 10, 2017 nia Chanchinbumihai an hmupui huna a hril. Question leaked le inzawm hin mi 6 man belsa niin a hril bawk.

Nagaland mi hawp le hmuom chuong 57% um

DIMPUR: GATS 2010 survey in a suklang dungzuiin, Nagland mipui a chanve neka tam (57%) hai chu hawp le hmuom ching an nih. India a hawp le hmuom ching tamna tak chu Mizoram state a na, a dawttu chu Nagaland hi a nih. LTC Hall, Wokha hmuna ‘sensitisation of women community on the harmful effects of tobacco and COPTA Act 2003’ thupui hmanga seminar-a thu a hril huna Dr. Meribeni Odyuo, District Nodal Officer (NTCP), Wokha in hi thu hi a hril a nih. District Tobacco Control Cell, Wokha le Department of Health and Family Welfare, Nagaland hai thanguola seminar chu an huoihawt a nih. Dr. Odyuo chun COPTA Act, 2003 dam siemin a hung um pei a, hi Act hi hmang tangkaiin Nagaland state a hawp le hmuom ching zawngsak sukltawm dan lam-pui ngaituo mek a ni thu a hril. Naga mipuihai chu an bengvar pei tah a, an chengna hmun le a kawl vel hai chu meikhu um lona hmuna siem tumin, hawp le hmuom ching khawm an tlawm pha pei thu a hril bawk. Seminar huna chief guest, Wokha EAC (Judicial) T Kupa chun vantlang hai kuomah awareness tha taka pek an ni chun, hawp le hmuom ching zawngsak an tlawm pha ding thu a hril.

EC in Anantnag Lok Sabha by-poll May 25 a nei dinga sawn

NEW DELHI: Srinagar by-polls leia buoia tam tak a um leiin, wawisuna Anantnag Lok Sabha bypoll nei ding chu Election Commission in May 25, 2017 a nei lem dinga a sawnna thu zanikhan thusuok a siem. April 9, 2017 a Srinagar hmuna by-polls nei tum kham police le civil mihai karah buoia a suok a, mi 8 thiin midang 100 neka tamin hliemna an tuok pha a nih. Jammu and Kashmir sawrkarin dan le thupek ngirhmun enin election nei thei ding ngirhmuna a la um naw thu EC-ah an intun leia election hun chu sawn niin EC in a hril. Chu lai zing chun, J&K hmuna selkaltu pawl National Conference le Congress hai chun Anantnag by-poll nei hung ding hla taka sawnna chu an lawm naw thu an hril. Election neina ding sawn hlat Anantnag town a hin constituencies pali a um a, chuong hai chu Kulgam, Pulwama, Shopian le Anantnag districts hai an nih. By-election boycott puong pawl haiin an hmalakna an sunzawm pei leiin, zani chen khawm kham an hmun delna haia chun dawr inhawng le motor inlawn an la um nawh.

Modi leadership hnuoia NDA in 2019 LS Election

NEW DELHI: National Democratic Alliance (NDA) chun kum 2019 Lok Sabha Election hung um ding khi Prime Minister Narendra Modi leadership nina hnuoia hmasuon dingin zani hmasa khan resolution an passed. NDA chun, hmasawna sin le welfare programme hai sunzawm pei a ni theina dingin Prime Minister Narendra Modi chu 2019 Lok Sabha Election-ah NDA thlawpna pei ding in ngen. Chanakyapuri, New Delhi-a Pravasi Bhartiya Kendra meeting huna thang BJP leaders hai chun, Modi leadership hnuoia kum 2019 Lok Sabha election- a hlawtlingna an cheng ngei theina dingin NDA leaders hai chun thanguol an remti thu, Modi leadership hnuoia 2019 Election hmasuon dinga rawnta hi Union Minister Ram Vilas Paswan in a hung siem niin BJP leader hai chun an hril. NDA meeting huna hin Shiv Sena le Akali Dal hai thangin party tum tum 33 hai an thang a, Presidential le Vice Presidential election ding chungthu ruok chu meeting huna hin hrlitlang a ni nawh. Shiv Sena Chief Uddhav Thackrey chu Shiv Sena aiawin a thanga, Akali Dal aiawin Prakash Singh Badal a thang. (LANS)

Churachandpur Weather Forecast: April 12, 2017 (WED)

WED MORNING	WED AFTERNOON	WED EVENING	WED OVERNIGHT
Sunny 22°C Feels like: 22 POP: 20% Rain: - Wind: 5 km/h NW Wind gust: 10 km/h Humidity: 67%	Sunny 29°C Feels like: 28 POP: 0% Rain: - Wind: 10 km/h W Wind gust: 17 km/h Humidity: 65%	Clear 18°C Feels like: 18 POP: 0% Rain: - Wind: 5 km/h W Wind gust: 7 km/h Humidity: 72%	Clear 15°C Feels like: 15 POP: 0% Rain: - Wind: 0 km/h SW Wind gust: 4 km/h Humidity: 74%

The Weather Network

ALL INDIA RADIO: CHURACHANDPUR PROGRAMME
Date: April 12, 2017 (Nilaini)
TRANSMISSION- FM-101.4 Megahertz

Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement & Mangal Dhvani
5.00pm	P	Thadou Devotional songs: Manglun Haokip
5.05pm	P	Local Announcement/Prog. Summary
5.10pm	P	Minor Dialect (Mizo): (mod)
5.25pm	P	Scient Hints (Thadou):
5.30pm	P	PAITE Prog. Sig. Tune & Announcement Announcer: Yungthansang 1) Chingngailian & party
6.00pm	P	HIMAR Prog., sig. Tune & Announcement Announcer: Olivia F. Tusing 1) Rohlpui (mod) 2) Lalzarlien Joute (do) 3) Lalmalsawm (do)
7.00PM	P	THADOU Prog., sig. Tune & Announcement Announcer: Vahkhohlam 1) L. Paomang & party (trad) 2) Talk: Need of nutritious meals- Hoichullou Singson
		Farm & Home: Thadou 1) Nernneithem & party (dev) 2) Talk: Youth & work culture today- Henkholon Doungel

LAKTAWI
ATM a inthawk Rs. 41,500 inruk

BHAGWARA: Bhagwara hmuna tlangram kuo Rannipur bul laia Punjab and Sindh Bank ATM a inthawk zanikhan tu ti hrietlo haiin Rs. 41,500 an inruk. ATM kharna shutter chu suksiet a na, ATM khawl chu gas cutter a tanbawng a nih. ATM sunga CCTV chu a thawtu hai hriet an ni thei nawna dingin spray dum hmanga a hmai kap a nih. Bank chaw! laia thil tlung a na, security guard khawm an um naw a nih. ATM rawktuhai chun car an hmang ni dinga ring a ni thu Punjab and Sindh Bank Manager chun a hrii. Thil tlung le inzawmin police haiin thubuo a zieklut.

Haryana-ah poppy 22 kgs le mi 2 man
CHANDIGARH: Zanikhan Haryana police haiin Madhya Pradesh a inthawka Punjab inzin motor Bastara toll plaza hmuna an dapna ah poppy 22 kgs le mi 2 an man. Mana um hai chu Rajkumar alias Raju le Rana Kumar hai niin, Ludhiana, Punjab mi ve ve an hrii.

Poppy hai chu hmehrietlo pakhata inthawk Madhya Pradesh railway station a an laksawng le Punjab hmuna zawr dinga an phur niin mi 2 hai chun an hrii.

Nagaland-ah khawwar laia Bank rawk
DIMAPUR: April 10, 2017 chawhnung dar 1:30 PM vel khan Dimapur hmuna State Bank of India (SBI) Dimapur (Main) branch chu rawk a na, Rs. 14-18 lakh inkar lakhmang a nih. Hi thu hi hriet a ni le inruola police-a report nghal a nih.

CCTV camera a an lang danin, Bank counter pakhat sunga sinthawtu chu customer haiin an sukbuoi lain, hmehrietlo pakhatin a hnung tienga inthawk pawisa hai chu a laksuok a nih. Thil tlung chu floor hnuoitaka tlung a na, police haiin pawisa inrutu chu man tumin an zawng mek.

AP-ah mi pakhatin a pa that
ITANAGAR: Arunachal Pradesh mi Tajap Bage (30) chu thil iemani leia an inselbuoina leini a piengna pa ngei ngei Tair Bage a that. Inthathna chu March thla bula kha tlung ta niin, tukhawma report an pek naw leia hi thu hi hriet vat loa um a nih. Tajap Bage chu zanikhan police haiin an man a section 302/201 IPC besana Dumporijo Police Station-ah thubuo siem khum a nih.

Tajap Bage khawmin buoina an nei leini a pa chu a that ngei thu police haii kuomah an puong. A pa chungu kut a thlak chun a zuk thi el nawh a, hliem inrik tak puma a zal hnungu thi chau niin, a thi hnung chun an In bulah Tajap Bage chun tukhawm hrietlo dingin a phum a nih.

Pakistan Court in Kulbhushan Yadav chungthua thuthlukna a siem India in a dem thu puong

NEW DELHI: India ta dinga enthlatu (spy) sinthawa intum le that dinga a chungthu Pakistan court in a rel pek Kulbhushan Yadav a chungu rorelna Pakistan in a siem chu India in theitawpa a demna thu a puong. Indian Navy officer Kulbhushan Yadav sansuok a ni theina dingin India in iengkim thaw a huom thu Union Home Minister Rajnath Singh in zanikhan Lok Sabha-ah a hrii.

Jadhav a case le inzawm hin Pakistan in Law and Justice norms a bawsiet niin Rajnath Singh chun a hrii a. India in wavi tam tak Jadhav chu inhmupui tumin thang a lak a, amiruokchu,



Pakistan in a hnow! pei niin a hrii bawh. Home Minister chun Jadhav chu Pakistan security agencies haiin a kidnapped niin a hrii a, chu hnungin chanchinbumihai kuomah indiknaw taka suklangin, valid Indian Passport neitu a ni zie an suklang nawk tho si niin a hrii. "Mi'n valid Indian passport a nei chun iengtinam spy ni thei a ta?" tiin zawna lien-tak a siem a. Home Minister tawngbau chun Inpuia members hai lung a thawng hle a, Pakistan in thuthlukna a siem chu an dem hle thu an hrii tawh.

External Affairs Minister Sushma Swaraj khawmin theitawpin Pakistan court thuthlukna siem chu a dem thu a puong ve. Jadhav chu that a ni chun India in tuolthat anging pawm a ta, India le Pakistan inlaichinna a ngahwng pha ding thu a hrii. "Jhadav in thil a suk-suol ti hi a sukchiengtu a um nawh. A lo um a ni chun, riruong siem lawka intumna ning a ta, Pakistan in a chawm lien sa helpawl group thenkhatin Jhadav a sietna ding an ngaituona leia an thaw ning a tih" tiin Swaraj chun chun a hrii a, hi thu hi Swaraj chun zanikhan Lok Sabha le Rajya Sabha haiah a hrii ve ve a nih. Swaraj chun India sawrkar le India mipui haiin Jadhav chungu Pakistan court rorelna chu an ngaiitha mei mei naw ding thu a hrii a. India ram mi paw tawko Pakistan in that a tumna hi dan (law) bawsietna, mihriem an dikna le chanvo inchupekn le khawvel huopa rambung inlaichinna suksietna a ni thu a hrii. "Pakistan in a thuthlukna a fethlengpui a ni chun, a hnungzuitu a um ding ti hrie raw sen. Pakistan le India inlaichinna chu a ngahwng siet nasa hle ding a nih" tiin Swaraj chun a hrii.

PM in Mahatma Jyotiba Phule inzana pek

NEW DELHI: Zanita Mahatma Jyotiba Phule a pieng champha a tlung le inzawmin Prime Minister Narendra Modi in inzana a pekna thu a puong. Mahatma Phule in mani hmakhuo khawm ngai lova mipui vantlang siemthatta ding, nuhmeihai sukhmasawna ding le in-chukna tienga India in hma a sawna dinga an pekna chun ra tam tak a nei thu le, a sinthaw that hai India in a hriet zing hlak ding thu a hrii. Mahatma Jyotiba Phule chu April 11, 1827 khan Maharashtra ah a pieng a, 1873 kum khan ama le a hnungzuitu haiin Satyashodhak

Samaj (Thutak zawngsuoktu society) an indin a nih. Maharashtra hmuna Social Reform Movement um laia theitawp sua hmalatu niin, a nuhmei Savitribai Phule leh India rama nuhmei hai in-chukna bul tantu an nih. Hnam hnufool le nuhmei hai in-chuknirna kawnga a hmalakna chun ra tam tak a nei a, India-ah nuhmei hai lekha in-chuknir an la ni naw lein, nuhmei school hmasatak chu 1848 kum khan a lo hawng tan a nih. Jyotiba Phule chu Activist, Thinker, Social reformer le Writer tia hriet hlak a nih. November 28, 1890 khan a thi a nih.

Central in MGNREGS fund Rs. 23,500 cr state-ah peksuok tah

NEW DELHI: 2017-2018 financial year thara a tum khatna dingin Ministry of Rural Development chun state hran hran haiah Mahatma Gandhi National Rural Employment Guarantee Scheme (MGNREGS) fund Rs. 23,500 crore a peksuok tah. Tuta fund a peksuok hin kumhlua pek kimlo/bat hai khawm a huom sa a,

fund hmasatak chu tui hum-halna tieng ngai-pawimaw a hmang ding niin RD Ministry thusuok chun a tarlang. Sawrkar thlungpui chun MGNREGS hnuoia 'Water Conservation' le 'Water Management' sinthawna chu a ngai-pawimaw hle a. State tin haia sinthawna chu uluk le indik taka thaw dingin state tina thuneitu-

Tips Rs. 130 leia restaurant waiter that

HYDERABAD: Kanchan-bagh hmuna Spice Bawarchi restaurant a thawktu pahni hai chu tips an dawng Rs. 130 chungchang ah an insukbuoi leini restaurant cook Kamal alias Kamlesh in waiter Raju (25) a that. Raju chu ni 3 liemtah a Spice Bawarchi restaurant hmuna chu thawktu an chau niin, Kamlesh chu ni 10 liemtah a cook sinthaw ta a nih.

Hyderabad police hai hrii danin, Kamlesh chun ama chanpuol ding tips Rs. 130 chu Raju in a lakpek in tum a. Sinthaw zoa an inlawi chun Kamlesh in Raju chu restaurant tuola sukchawlin Rs. 130 chu a hni a, Kamlesh chun an khuo tieng a fe ding leia pawisa a mamaw nia hrilin, a pek hmakhat Raju chu an thla nuom naw a nih. Kamlesh in a phal naw sa in Raju chun maksan lui a tum a, chu lai tak chun Kamlesh chun Raju chu a hnung-tienga inthawk a namthluk a, Raju chu footpath-a

Australian PM Mumbai-ah

MUMBAI: India rama cham mek Australian Prime Minister Malcolm Turnbull chu zanikhan Mumbai-ah a fe a, Tata Consultancy Office kanna neiin industrialist le sum-dawngtuhai inhmupui

a nei bawh. Vawisun hin Turnbull chun Maharashtra Governor C Vidyasagar Rao inhmupui na nei a ta, chu zoah Australia tieng a vuong kir ta ding niin Mumbai state official thusuok chun a hrii.

2014-2015 sungin journalists 142 in kut an tuor

NEW DELHI: Liemtah kum 2014-2015 sung khan India ram hmun tum tum haiah journalists 142 kut tuor an um a, chu hai laia thenkhat chu mana um niin, thenkhat mi kut tuor le thina chen tuok khawm an um niin zanita Lok Sabha inthung hunah Minister of State for Home, Hansraj Ahir in a hrii. Hansraj Ahir chun question hour huna zawna dawnnaa a that. Inthathna chu March thla bula kha tlung ta niin, tukhawma report an pek naw leia hi thu hi hriet vat loa um a nih. Tajap Bage chu zanikhan police haiin an man a section 302/201 IPC besana Dumporijo Police Station-ah thubuo siem khum a nih.

sawrkarin a nei mek chu India mipui le journalisthai ta ding khawma a him takw Minister in a hrii a. A tu-ortu journalist haiin sawisel-na an siem hlak a, Press Council of India khawmin dan thua phutna wavi tam tak a dawng hlak niin a hrii. Ahir chun police le vantlang hai thupekna chu sawrkar mawphurna a na, journalist hai himna dinga security pek khawm state sawrkar mawphurna a ni thu a hrii. Journalist kut tuorhai le an sungai ta dinga thangpui na le zang-nadawma pekna ding dan central sawrkarin a nei naw thu Ahir chun a hrii.


India khuolzinmihai in US-ah \$12 billion an hmang

NEW DELHI: Kum 2015 sungin India mi United States-ah 1.5 million nekta tam an inzin a, chungu hai chun i12 billion vel an hmang phak niin Chris Thompson, CEO le President, Brand USA chun a hrii.

India mihai chun rambung danga khuolzinmihai nekin US-ah an cham sawt lem a, sengso khawm an hau lem niin Thompson chun a hrii. Brand USA in data a nei dungzuiin, India mi pakhat peiin US an inzin huna hin \$7,000 pei US hmuna ni 35 le zan 35 pei um haiin an lamman le an um sungin an hmang anga sut a na, India mi nilo ramdanga inthawka US a inzin hai chun \$4,500 anghu chau an hmang anga sut a nih.

UK defence secretary India-ah a hung inzin

LONDON: Britain Defence Secretary Michael Fallon chu ni 4 sung India-a cham dingin zanikhan New Delhi a hung tlung. Michael Fallon chu delegation team members 12 haiin an hung zui a, India hmuna a cham sungin Defence Minister Arun Jaitley le mi pawimaw tum tum hai inbiokpui na nei a tih. Tuta UK Defence Secretary hung inzinna hi 'Indo-UK strategic dialogue' nei hmasatakna ding nia hrii a nih. Fallon chu tuta thla sunga UK Cabinet ministers India rama hung inzin a pathumna a ni ta a, hi hma met khan Philip Hammond, Exchequer Chancellor le Greg Clark, Energy Minister haii khawm an lo hung inzin ta bawh. "Michael Fallon hin In-



business leaders hai inbiokpui na nei a tih. Tuta a hung inzinna ding hin 'Defence and International Security Partnership' a sukng-het zool dinga ring a na, DISP chu India le UK hai t hang le thaw tlangna dinga siem niin, hi hnuoia hin joint training le doctrine sukhmasawna hai a thang sa a nih. 'India-UK Strategic Dialogue' neiina dinga hin science and technology, research and development le extremism hai doletna chungthu hai ngai-pawimaw zool ning an tih. Zani zantieng khan Fallon chu New Delhi hmuna British high commissioner, Dominic Asquith in mikhuol a ta, Queen Elizabeth II birthday lawma in thlaithleng awt tlang an tih.

Malala Yousafzai UN 'Messenger of Peace' nina Official a inhlana nitah



UNITED NATIONS: Pakistan leirawl Ms Malala Yousafzai (19) chu zanikhan UN chawimawina insang 'Messenger of Peace' nina official-a zanikhan United Nations Headquarters-ah inhlana nitah. Ms Malala Yousafzai hi ei hriet a angin nuhmeihai lekha in-chuk dinga nasa taka an fui leia Paksitan hin hma tak ngei tuma a lua na taka silaia an kap hliem hnuona damkhawsook, a hunga Nobel Peace Prize hiel lo dawng ta kha a nih. UN chun kawng tum tuma dingin Messenger a nei mek a, Oscar-winning actor Leonardo Caprio chu climate change tiengpang, actor Charlize Theron chu HIV dona le nuhmeihai

chungu tharum insuona tiengpang le actor Michael Douglas chu ralthuom tum sukbo or suktlawm (disarmament) tiengpanga UN Messenger a nih. Malala hin nuhmei hai lekha in-chukna tiengpang a bitum deu ding a nih. Ms Malala Yousafzai hi UN Messenger of Peace naupang tak a ni a, Mr Guterres in tukum January thlaa UN Secretary General a chel hnungu UN Messenger dinga a ruot hmasa tak a ni bawh. Ms. Malala chun, pasal han nuhmei hai thla khuong- lova hmatieing pana an vuong pei theina dinga zalenna an pek a tul a ti thu Yousafzai chun a hrii. (PTI)

Kum 25 hnungah Tajikistan le Uzbekistan inkar vuongna

DUSHANBE: Central Asian thenum rambung Tajikistan le Uzbekistan hai chun kum 25 sung zet an ram pahni hai kara vuongna service an sukchawl hnungin zanita inthawk khan hieng rambung pahni hai karah regular flight in-vuontir nawk a nitah thu Tajikistan international airport spokeswoman chun zanikhan a hrii.



Hi le inzawm hin Tashkent a inthawka hung vuong Uzbekistan airways flight chu zani zingkar 8:03 AM khan Dushanbe a hung tum tiin airport spokeswoman chun a hrii. Uzbekistan chun Tajikistan rama civil war tlung leini kum 1992 khan Ta-

jikistan le Dushanbe inkar vuongna service hi a lo suk-tawp a, indona tawp hnung khawmin Tajikistan ram awptu Emomali Rakhmon le Uzbekistan awptu Islam Karimov hai kara tui chungthu le thil dang danga inbeituona a tlung rawp hlak leini vuongna service hi sun-zawm nawk el thei lova um a ni a. Amiruokchu, nikum September thlaa Mr Karimov stroke ni dinga ringh-laa Samarkand khawpua a thi hnungin ama thlaktu Shavkat Mirziyoyev chun an ram pahni hai inlaichinna siemthat tuma nasa taka hma a hung lakna leia vuongna service hi tan nawk theia hung um a nih. (AFP)

INHRIETTIRNA LE NGENNA

Manmasi Cable Network chun Hmar Channel a hrana peksuok a nuomna leini ZRS/Hornbill Cable distributor ninaa inthawkin an hnukdawk a. Tuta inthawka thlakhat hnungah Hmar Channel umna phuisui deu hleka thaw tum a nih. Tui-thaphai biel pumpui huopa peksuok tum a nih.

Thu chienglem hre nuom hai ta dingin Contact No. 9779708692 ah hin ngaiven thei a nih. Manmasi Cable Subscriber haiin mi lo hrethiem hram dingin kan hung ngen cheu.

Chun, Hmar hla/documentary/Function etc. iengiklaikhawm peklut thei a nih.

Sd/- Isaac L. Sanate
Proprietor,
Manmasi Cable Network
Rengkai Muollhum

Office of the VOCATIONAL TRAINING INSTITUTE
Muollhum, Rengkai, Churachandpur

INHRIETTIRNA

VTI. CCPur Training Centre-ah DRIVING in-chuk nuomhai ta dingin batch thar hawng nawk a nita a, Rs. 10/- pea Application Form lakin April 18, 2017 chena submit thei ning a tih.

Thu chieng lem VTI Office, Rengkai hmuna ngaiven thei a nih.

Sd/- Programme Coordinator
VTI Rengkai, Churachandpur.

BETHESDA COLLEGE OF NURSING
Muolvaipei, Churachandpur

ADMISSION NOTICE

BETHESDA COLLEGE OF NURSING invites a female candidate for admission to B.Sc. Nursing and General Nursing & Midwifery (GNM) course for the year, 2017.

ELIGIBILITY: (1) B.Sc (N) = Class XII Science (PCB & E)
(2) GNM = Class XII (Arts/Science)

Application Procedure : Application form & Prospectus can be obtained from the Office at Muolvaipei on all working days.

Last date of form submission: 22nd May 2017)
Contact No. 9615784636

Boost up your energy to overcome tiredness with INSTANT Z.

Instant Z provides you-

- daily requirements of calories from carbohydrates.
- readily gets assimilated and emits energy to overcome tiredness.
- vital element for healing wound, transfer of energy and desire for food during convalescence.
- helps against stress and strains through overworking, leading to increased resistance to infection.
- great taste in orange flavour and special zinc for all kinds of ages.

-available at all leading medical stores....

LAWMTHU HRILNA

Inhnawm harsa ka tiin ka tawh a na hlak a. A chang leh ka kawng a na a, kan hnawma a inthawk thisen a suok hlak a. MV Azad Phusam ka pan a, a mi enkawl a inthawk ka hung dam ta a. Ami enkawl damtu chungah hin lawmthu ka hrii. a pan nuom han Old Bazar, Teddim Road, Near ICI Church Road-ah pan thei le contact Nos. 8014025567/ 7628890261 haiah ngaiven thei a nih.

Time- 8:30AM to 3:00PM

Sd/- Vuvung
New Lamka

California School-a silai kappuoknaah mi 3 thi

LOS ANGELES: Zani hmas khan Californi-a San Bernardino hmuna North Park Elementary School -ah pasal pakhat Mr Cedric Anderson (53) chun teacher sinthaw a nuhmei hlui Ms Karen Elaine Smith le school naupang kum 8 mi a kaphlum hnungin ama le ama an kap lum niin Police thusuok chun a hrii. Hi thil tlungna hmun hi Los Angeles a inthawk km. 96-a hla a nih. Ei thu dawngnain a hrii danin, Mr Anderson hin a silai thupin visitor angin School-a hin a va lut a, a nuhmei hlui in teaching a pekna class room-ah va lutin a nuhmei Ms Smith hi a kap lum zoin pasal naupang kum 8 mi Jonathan Martinez chu na takin a kap hliem a, inrang takin hospital panpu a ni a, sienkhawm Martinez hi damzo lovin a thi a, pasal naupang kum 9 mi chu hliemna inriktak tuorin hospital-ah enkawl mek a nih tiin Los Angeles Times report chun a hrii. (BBC)

Mel B-in Stephan 45 Million Pêk A Huom

LOS ANGELES: *The Spice Girls* member hlui, British nunghak hlasakthiem Hollywood tienga inpem tah, film producer Stephan Belafonte le inneia nau pakhat Madison (5) neia kum 10 an innei hnunga March 20 a int he rawt Mel B chun, thubuo hlabuoi um nawk tah lova a pasal le inmek felna dingin a pasal chu \$5 million pêk el a nuom niin a ukil fethlengin a hril.

Kum tamtak an innei hnungin an innei sungin nurawng takin kut a thlak hlak lei le an nupa nun sex thil thenkhat hmanga back-mail a tumna lei le a hringna chen derhawnga an hriet leia inmak rawt Mel B hin thubuo an nei china inthawkin social media khawm a hmang rak nawh a. Thawt anni khan hmang tan nawkin a ruolnu Adele thu a post. Hienglai zing hin a ukil office a suoksan lai khawm hmu a nih bawk.

Grammy Award winner le kum 30 hnuoi millionaire kai Adele-in a album "21" leia record a khumna thu Billboard magazine article a comment-na le inzawmin, "Adele's '21' has broken the record for longest charting album by a woman on the #Billboard200" tiin a post a. An insung thubuo um naw ang thovin pangngai aw a tum a nih.

Hienglai zing hin Mel B pasal Stephan Belafonte chun, an nauhai custody chu a hau ding niin a ukil fethlengin a hril ve. "Thil dang po po nêka ka ngai pawimawtak chu kan nauhai a nih. Phone khawm ka chel ta naw a tha, iengkim ka ukil hmanga hril ni tang a tih. Ka nauhai chauh ka ngaituo a nih" tiin *Sunday Times* a hril. Mel B chun an nau Madison full custody a ngên a nih. A nauhranhai chu a ta sa an nih.

Mel B le Belafonte hin Madison an nei a. An innei hmain Mel B-in nau pahnî, Jimmy Gulzar le an nau Phoenix (18) le Eddie



Murphy le an nau Angel (9) a nei bawk a. Belafonte khawmin Nicole Contreas leh Giselle (13) an nei bawk a. An rengin family anga um khawm a nih.

An sùngkuo bâka hin, an umpui German ni naudawntu (nanny) Lorraine Gilles chu Stephan-in nau an paitira, thupna dingin \$300,000 a pek tiin Mel B-in a hek bawk a nih. Lorraine chu sùngkuo mi anga ngai dingin a nawrlui hlak niin a hril bawk.

Mel B ukil chun, Belafonte hin an nu lekha le thlâlâk pawimaw box 12-15 vel chu an nau dawntu Lorraine an thupria a, a career suksiet tumna le sukmuolpho a tumnaa hmang a tum a nih lein court-in cheltang rawse tia thu a thelut lein court-in Belafonte chu a hren a, tlâng hrieta insuo lo dingin an hrietit. A siena hmun locker ruok chu a hril nuom nawh. An thubuo hi a la fe pei a nih, a iem a hung ra suok ding hunin la hril a tih.

Delilah Belle Hamlin, IMG Model Thar Ding

LOS ANGELES: *"The Real Housewives of Beverly Hills"* star Lisa Rinna (53) naunu Delilah Belle Hamlin (18) chu, khawwêla sports, fashion le media company lien New York-based company IMG Models dinga lak thar a nih.

Delilah Belle Hamlin hi fit 5 le inchi 7 zeta insâng a nih a. Instagram ah zuitu 316,000 a nei a. Hi lei hin *Elite* chun ni kum August kham Model dingin an lo lak tah bawk a. Tuhin IMG-in a lak nawk a, sin chu a hau hle ding a nih. Hailstorm Academy-a senior chen inchuk Delilah chun, "A cool hlein ka hriet. IMG chun an model hai thatak in an enkawl ti ka hriet a. Sin ka hau hle ding niin ka hriet. Hmun tina inzinin mi pawimawhai hmuin, IMG lo hre chheng tahaia inthawkin kan chuk pei ka beisei" tiin a hril.

A hril peinaa chun, "Modelling hi thaw ka tum ngai nawh a. Instagram account ka nei a, ka sang (kum 15 mi) chu kan in hnung lai thla kan laktir hlak a. Chuonghai chu inhelnain kan post hlak a. Instagram chu mi haiin an lo define-na cheu hmun niin ka hriet. Modelling-a kan hnika tak chu inchei a nih" tiin a hril.

Delilah hin designer Dolce & Gabbana, Sherri Hill le Tom Hilfiger hai ta dingin 'cat walk' a lo thawpêk tah hlak a. Model Gigi Hadid leh khawm inhrinein wavi iemani zat chu Gigi hin 'cat walk' thaw dan ding a lo hril tah bawk a nih. "Tommy Fashion Show-a kham lawn dan ding a mi hril a. 'Bu fa dinga fe, bu thlang hnawt angin fe (lawn) rawh' a mi th a" tiin 'cat walk' an chuk dan a hril.

Delilah hi school hren hranah a lo kai tah a, kum tâwp tieng khin New York university ah psychology (Master) thum mek a nih. Kar hmasak kham chun an zuipui tah Aidan Reilly senior promotion a hmapngui



a. Tuta thla tâwp tieng khin an pahnî 'n Coachella Music Festival, Palm Springs ah fe a tum bawk.

Kum 53-a upa a nu Lisa, Mexico-a chawl hmang mek, tuipui kama zakuo hnuoi (bikini) le chauva um chun lâwmpuina thu thawmin, "Proud of you! So excited for you! So Proud of our girl! Thank you @imgmodels!" tiin a nau a suong thu le IMG kuoma lâwmthua a post. Lisa le a pasal Harry (65) hi kum 20 an innei tah a, Delilah hi an nau upatak a nih.

Ed Sheeran, \$15 Million Chawi Dinga Hêk

LONDON: British tlangval hlasakthiem hausa, charity tieng nasataka thaw le kut râw! mek Ed Sheeran chu, a hla single hit "Photograph" le inzawmin hlapuoktu mi pahnî leh inremna an siem nia hriet a nih. Hlapuoktu musician pahnî Martin Harrington le Thomas Leonard hai chun, an hla phuok "Amazing" entawmin Ed Sheeran hin a hla "Photograph" kha a siem a nih, tiin 'copyright bawwie' tiin case an siem a, Pound £15.3 million (\$20 million) chawi dingin an hek a nih.

Hollywood Reporter hril dan chun, court-in hêkna lekhabai chu belchieng dâwlo, fienna la um lo tiin a hnawpek a. Amiruokchu, California federal court-in hi thubuo in a huom chin ding le zâwm ding chin chu la hung sukfel a tih, tiin a hril. Harrington le Leonard hai company Halo Songs chun, "Photograph" hi an hla pakhat, 2009-a an phuok, The X Factor 2010 winner Mr Matt Cardle-in single-a a sak le record-a mi Ed Sheeran-in entawn a nih, an tih a. A hla thubai hi a nidan ang taka entawn (verbatim) le "note for note copying" a nih, tiin an hril.

An lawyer Richard Busch chun, "Thubuo hi sukfel a nih tah a, chu bak chu hril ding ka



nei nawh" tiin Sky News a hril. Sheeran a publicist Atlantic Records le a ukil hai ruok chun hi thu le inzawma comment iengkhawm an la nei nawh. Ed Sheeran hin kha hma kham a hla "Thinking Out Loud" tia khawm kham, Marvin Gaye classic "Let's Get It On" ti a entawn a nih tia hêkna a lo tuok tah bawk. A dangah, Pharrell Williams le Robin Thicke hai hit "Blurred Lines" khawm kha Marvin Gaye hit "Got To Give Up" (1977) a laksuok a nih tia hêkna lein Marvin hai sungin 'süksietman' (damages) £4.8m Pound an lo dawng a nih.

Hla thu inentawn (copy) le inruk leia inhêkna le pawisa tam tak chawina hi Europe le US haia chu a tam tah em a. Hlasaka fakzawngna hi a hlâwk tah bawk si, hlasakthiem nauhai chenin hlâwkna ding an lo zawng theia industry a nih tah a. Eini lai khawm hieng vela inthawk hin ei lo var pei thei chun thil tha tak ning a tih.

Madonna Naunu Lourdes Miami Beach ah

MIAMI: Pop star hlasak le lam thiem Madonna nauu Lourdes Leon (20) chun a zakhuoi hmul le a tattoo hai suklingin Miami tuipui kama an pholang nasa hle a, ama inhawi a ti ang bawkin lo thlîrthuhai kham inhawi an tih a, an mit khawm a sukltai a, a chanchin ziek nuomhai ta ding khawmin ziek ding a tam a, a thiltum a hlâwting hle.

A nu inlârna hmang t angkaiin a nu angin hlasakthiem lein lan lar naw sienkhawm, tuifinriet pang nisa lum awia hun a hmang chu a nina tamtak pholangna dingin a hmang tangkai thiem hle a, a bielpa leh hun

an hmang fuk hle niin an lang. Lourdes Leone hi kum 20 chau a la nia chu a puitling a piengzie a nu nêkin a nal lem a, an sang hle bawk. Lourdes hin a pieng nalzie pholangna dingin zakuo hnuoi kekawrte le bodice sendang, sunglass sendang leh a hâka an hnel zovin, zakuo hnuoi chi dang a dum vavung inbelin a thup dinghai char thupin a dang po chu lang tlang vavngangaituo sei ngai lo dingin an pholang nawk a. Chu chau chu ni lovin, a zakhuoi hmul vaw lo le tattoo a ban le mawng-bawra a ziekhai chenin hmu thei dingin a pholang a nih. A ban sungtieng ah



thalmu (arrow) lim a ziek a, a ban khingtieng Rocco hrietzingna dingin "R" a

ziek bâkah a kutpar haia a nu le pa hrietzingna dingin "mom" and "dad" ti a ziek bawk a. Chuonghai nêka danglam a umzie la hriet el thei lo chu a mawngbawr hnuoi, a wawitieng malpui sungtieng, a kap ah "W" ti capital-in a ziek bawk a. Ieng tina am a nih ding hriet châk a um hle.

Zakuo hnuoi (bikini) dum, kekawrte hrui a kawng sirtiega khit le bodice hrui chin nene hmur po thupa a bawr po inlang hâkin tuipui kam lai insukdei tumin an vak vel chiem a. An silna zakuo-hai teppui dingin a sam dum thlap chu hlim tungin a sipah a khit bawr lai a. Rangkachak

thi a awr chu a suklangsar bawk, hei en ringawt khawmin a mawi hlie hlie a nih. Camera-in a lo zui zing a nih ti a hriet hnung chun an zak deuh amanih ding puona inhlie tumin a puon an kham a. A bielpa le hun iemani chen an hmang hnung chun Denims (jeans) kekawr bul bun vat vatin an bag hai dar pahnî an kir nawk tah a nih. Hi hma met hin an tlungna hotel kawl lai, ni dang a nu bielnu Ingrid Casares (53) an hmpui a, an kar thu a se hmêl naw hle. Ingrid hi Madonna-in 1991 New Year's Eve Party-a an hmpui a nih a, inlaichinna inthuktak an nei a nih.

Prince William Le Harry Trudeau, France ah

PARIS: Britain le Europe rambung dang, abikin commonwealth rambung hai le an inlaichinna siemthat peina ding le, 1917 Battle of Vimy Ridge kum 100 tlingna le inzawma sipai thihai hrietzingna sunna hren ah Britain Prince William le a sangpa Harry chu, an pa Prince Charles le Canadian Prime Minister Justine Trudeau hai leh Pathienni kham Vimi Memorial Park, Trudeau, France ah an fe a. Sipai, ram le hnam ta dinga hringna chanhai inzana pein, thuhrlina hun an nei.

Prince William le Harry hi coat (suit) dum ve ve le pheikhawk dum ve ve inchein neektie a dum le sen tiel le batch sen an bun v eve a. Justine khawm suit dum vavng hâkin neektie ruok chu a pawl a awr ve thung a, an intiet thap thap hle. Hunser hi sipai bang le servicemen, le an sînghai mi 25,000 velin an uop.



April thla bul lai chau a la nia chu William le Harry hi official engagement tamtak an nei hman tah a nih.

William chu thenkhat tlanhmang san a tum zing laain Paris ah Kate leh an inzin zo tah a. Harry khawm kar hmasak kham a nu Diana hmalâkna Landmine Free World 2025 le inzawmin landmines (bomb) victim pahnhai thanguina dinga charity ah thanguin, Invictus Games, UK Team hai ta

ENGLISH PREMIER LEAGUE:

Crystal Palace chun mak takin Arsenal 3-0 tawpin an hne

English Premier League Thawtanni inkhelah Crystal Palace chun Arsenal an lo mikhuol a, tu ring phak lovin 3-0 tawpin an lo hne. Minute 17 naah Andros Townsend chun goal hmasa a thun a. Half chengah goal dang a lut sap nawh. Half zo minute 63 naah Yohan Cabaye chun Palace ta ding bawkin goal dang a thun sa a, chu zo minute 5 chau a liemin Palace chun Penalty an hmu a, chu chu Luka Milivojevic chun a thun nawk a, Arsenal chun an goal bat thungkir tumin theitawp an suo a chu hun tawp chengah goal thun sap a um ta nawh.



Inkhel pumpei enin Arsenal chun ball an chang rawn hle a, possession 72% tawp an nei phak hiel a nih. Anachu Crystal Palace tieng ball an chang tlawm lema chu goal shot an hau lem a goal zawnah wavi 10 tawp shot an nei a, Arsenal chun 5 chau an nei ve thung. Arsenal tantu tam takin an Manager Arsene Wenger an dit ta naw thu an khekpui zing lai hieng ang result an hung nei nawk lei hin Wenger hma-

Arsenal Manager Arsene Wenger chun, 'A mi tantuhai an lung a awi naw ding ti ka hrietchieng hle a, keini khawm kan duthusam

EFL Championship Player of the Year: Knockaert



Premier League hnuoi tienga English Football League club hai chan puola award siema um chu semdawk a lo ni tah a, Championship Player of the Year Anthony Knockaert kuomah inhan a nih. Kum 25-a upa winger hin Brighton & Hove Albion-in season thara Premier League inkhel ding beiseina an neina kawngah a thaw hlawk takzet a, league match 40 an khelna-h goal 13 thunin assist wavi riet zet a siem ta bawk a nih.

French winger Knockaert hin chawimawina dawng ding hin Leeds United striker Chris Wood le Newcastle United striker Dwight Gayle hai akum a nih. League One-ah Sheffield United striker Billy Sharp chu Player of the Year inhan a ni a, League Two-ah Doncaster Rovers striker John Marquis khumtu an naw bawk a nih.

Exeter City forward Ollie Watkins kuomah Young Player of the Year inhan a ni a, nikum November thlaa Bristol tienga 50 yard a inthawka goal nal tak thuntu Brighton midfielder Steve Sidwell kuomah 'Goal of the year' chawimawina inhan a ni bawk. Chu bakah Birmingham City le Peterborough United boss hlui Barry Fry chu EFL tieng contribution a nei tha lein Contribution to League Football Award inhan a ni bawk a nih.

- Award dangtuhai:**
 Sir Tom Finney Award: Kevin O'Connor - Brentford
 PFA Player in the Community: Andy Butler - Doncaster Rovers
 EFL Supporter of the Year: Paul Mayfield - Doncaster Rovers
 Family Club of the Year: Overall winner - Millwall
 Family Club of the Year - Championship: Blackburn Rovers
 Family Club of the Year - League One: Millwall
 Family Club of the Year - League Two: Stevenage
 Community Club of the Year: Portsmouth
 Apprentice of the Year - Championship: Ben Brereton - Nottingham Forest
 Apprentice of the Year - League One: Lewis Butrod - Scunthorpe United
 Apprentice of the Year - League Two: Myles Judd - Leyton Orient

FOOTBALL FIXTURE
Wednesday, 12 April 2017
1-League 2017
 16:30 Shillong Lajong V/s Mohun Bagan
UEFA CHAMPIONSHIP LEAGUE
(Thursday Morning)
 00:15 Atletico Madrid V/s Leicester
 00:15 Bayern Munchen V/s Real Madrid

14TH HMAR MARTYRS TROPHY 2017
FIXTURE: April 12, 2017
 1:00PM- Shanveng FC v/s Leisen FC
 2:30PM-UKB v/s Kaphuom Mem. Team

RESULT: April 11, 2017
 1:00PM- Thenmuol FC - 4 v/s Central Lamka FC - 1
 2:30PM-FC Ridil - 5 v/s Hmaveng YC - 1

Mizoram Sub Junior Football teamin Kerala pan



Hung tlung April 15th - 28th sunga Sub Junior National Football Championship 2016-17 final round inkhel ding le inzawmin Mizoram sub junior team hai chun thawtanni kham Kerala an lo pan tah. Final round inkhel dingin Mizoram hai hin tum hni zet Manipur hai inkhelnuiin hratina an chang ve ve a nih. Final round-ah hin team 10 lutin Mizoram sub junior team hai hi Madhaya Pradesh, Uttar Pradesh, Odisha le Kerala hai le Group A-ah an um a, Group B-ah West Bengal, Goa, Tamilnadu, Delhi le Meghalaya hai an um bawk. April 17 khin an match hmasatak Uttar Pradesh hai leh Municipal Corporation Stadium,

Calicut-ah inkhel an tih. Hi inkhelna runpuia thang ding hin Mizoram hai hin February 7a inthawk kham training an lo tan tah a, player insukpal paruk zet an um lein a thara tlang vavng an nih. Inkhel ding le inzawm hin Mizoram manager Zaihmngthanga chun, "tha taka training kan nei theina dingin MFA-in kawng hren hranah ami thanguoi ta, a residential camping kan nei thei lein final round hmasuon ding khawm hi kanin peifei ta hle a nih. Football-ah hin chu vangnei le vanduoî kar a hla hle a, champion ngei ding chun kan inbeisei a nih," tiin a hril.

David Beckham, A Naupa leh Tattoo Thar

LONDON: Celebrity pawisa hau taluo thaw ding le pawisa hmang dan hre nawhai, inhawi an ti zâwng le Pathienni an hmang dan khawm an ang naw thei hle. Thenkhatin thlarau them phâk lo sakhuo thil Sciencology dang an inhnika pawisa tam tak an sêng (Tom Cruise, etc). Thenkhat titak zeta Biekin an kai lai, David Beckham le a naupa Brooklyn ruok chun taksa ziekrang tattoo an lo hlimpui ve hle.



chun, kum tâwp tieng khin college a lut tah ding a na, an hnika tak chu photography a ni lein camera lim tattoo hi an ziektir a nih. Brooklyn kaina ding Parsons School of Design, New York City hi US-a top-ranked 'art and design' school a nih.

David Beckham football a pet lai kham an nu VICTORIA hmang tlang ziek in kha chau kha a la nei ti ding a nih a. Tuhin chu a banhai popo le a biengha hai chen tattoo a sip vavng ta a, a tielin a tiel zak el an tah. Lukhram par le sunglass dum le, T-shirt le Velvet tuon sen leh, a kawnga thir chain khaiin a punk tah hle.

A naupa Brooklyn-in collar-t-shirt tiel le kekawr dum, tennis cap leh tattoo bu chawiin Pathienni chu Bible nêka tattoo bu keuin hun an lo hmang ve a nih.

USA, Canada le Mexico han thanguola WC- 2026 bid dingin thutlukna an siem



The United States, Canada le Mexico hai chun thanguola kum 2026 FIFA World Cup hung um ding khi mikhuol dinga inhi (bid) dinga thutlukna an siem thu zaniikkan an puong.

World Cup team sukping a ni hnunga rambung pathumin World Cup an mikhuol tlang hmasatakna ding a nih. Rambung pathum han world Cup mikhuol tlang ding an inremsiem dan dungzui chun USA in matches 60 mikhuol a ta, Canada le Mexico han matches 10 ve ve an mikhuol ding ti a nih. World Cup 2016 mikhuoltu ding hi kum 2020 khin thutlukna siem

le sukfel nua a tih. USA chun kum 1994 kham FIFA world Cup hi a lo mikhuol ta a, world cup history-a simtu tam tak an ni nghe nge. Mexico chun kum 1970 le 1980 hai kham WC hi a lo mikhuol ta a, Canada chun kum 2015 kham Women's World Cup a mikhuol tah.

FIFA rotation policy dungzuiin European le Asian countries han 2026 mikhuol dingin bidding an thaw thei naw a nih. System thar dungzuiin FIFA World Cup 2026 mikhuoltu ding rambung thlangna chungthua hin FIFA Executive chun ama khatin thutawp siem theina a neitanaw a, FIFA member rambung 209 han an vote/thlang tak kham a mikhuol ding a nih.